



Adresa: **UI.H.Čemerlića 39A**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-325-7/23**

Datum: **16.01.2024. god**

„Agencija za vodno područje rijeke Save“ Sarajevo rješavajući po zahtjevu investitora „Amina Trade“ d.o.o. Sarajevo za izdavanje vodne dozvole za aktivnost ispuštanja oborinskih onečišćenih voda sa radnih zona površinskog kopa „Puhovik“, naselje Rakovica, općina Ilidža i specifičnih uticaja koji mogu nastati pri aktivnostima na eksploataciji mineralne sirovine krečnjaka i krečnjačkih dolomita a koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta, na osnovu člana 116. stav 2. i člana 121. stav 3. Zakona o vodama („Službene novine Federacije BiH“, broj 70/06) i člana 67 stav (2) Zakona o upravnom postupku („Službene novine Federacije BiH“, broj 02/98, 48/99 i 61/22) d o n o s i

ZAKLJUČAK

Odbacuje se zahtjev investitora „Amina Trade“ d.o.o. Sarajevo za izdavanje vodne dozvole za aktivnost ispuštanja oborinskih onečišćenih voda sa radnih zona površinskog kopa „Puhovik“, naselje Rakovica, općina Ilidža i specifičnih uticaja koji mogu nastati pri aktivnostima na eksploataciji mineralne sirovine krečnjaka i krečnjačkih dolomita a koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta, jer nisu ispunjeni uslovi propisani rješenjem o vodnoj saglasnosti, a koji su bili uslov za izdavanje rješenja o vodnoj dozvoli i isti se smatra kao preuranjen.

Obrazloženje

Na zahtjev Investitora „Amina Trade“ d.o.o. Sarajevo dana 28.07.2023. godine pokrenut je postupak za izdavanje vodne dozvole za aktivnost ispuštanja oborinskih onečišćenih voda sa radnih zona površinskog kopa „Puhovik“, naselje Rakovica, općina Ilidža i specifičnih uticaja koji mogu nastati pri aktivnostima na eksploataciji mineralne sirovine krečnjaka i krečnjačkih dolomita a koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta.

Uz zahtjev je dostavljena sljedeća dokumentacija:

- Aktuelni izvod iz sudskog registra broj:065-0-RegZ-19-005856 od 11.07.2019. godine izdat od strane Općinskog suda u Sarajevu - kopija,
- Uvjerjenje o poreznoj registraciji od 20.07.2010. godine izdato od strane Kantonalnog ureda Sarajevo - ovjerena kopija,
- Rješenje o vodnoj saglasnosti broj:UP-I/25-2-40-146-3/18 od 03.04.2018. godine izdato od strane Agencije za vodno područje rijeke Save, Sarajevo – kopija,
- Punomoć podnosioca zahtjeva, broj:192-7-23 od 06.07.2023. godine,
- Rješenje, broj:07-04-18-15842 od 27.11.2017. godine izdato od strane Ministarstva privrede Kantona Sarajevo – kopija,
- Izvještaj o monitoringu kvaliteta i kvantiteta otpadnih voda, broj:G1/1 urađen od strane TQM d.o.o. Lukavac, juni 2019. godine,

Dokaz o uplaćenju federalnoj upravnoj pristojbi na zahtjev.

Nakon prijema i pregleda dostavljene dokumentacije dana 08.09.2023. godine na osnovu člana 12. stav 5. Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj: 31/15, 55/19, 41/20, 63/22) izvršen je obilazak terena u postupku izdavanja vodne dozvole i tom prilikom sačinjen zapisnik broj: UP-

- 1/21-3-40-325-2/23. U Zapisniku je između ostalog konstatovano da je u prethodnom postupku Agencija za vodno područje rijeke Save Sarajevo izdala je Rješenje o vodnoj saglasnosti, broj:UP-I/25-2-40-146-3/18 od 03.04.2018. godine na period od dvije godine. Pravno lice Amina Trade d.o.o. Sarajevo uz zahtjev je dostavio i pismeno očitovanje, tj. „Obrazloženje kašnjenja zahtjeva za izdavanje vodne dozvole za površinski kop „Puhovik“, broj: 196-7*23 od 23.07.2023. godine u kojem iznosi probleme sa kojima su se suočili.
- Pravno lice „Amina trade“ d.o.o. Sarajevo nije na terenu postupilo u skladu sa projektnom dokumentacijom na koju je izdato rješenje o vodnoj saglasnosti. Projektna dokumentacija dostavljena uz zahtjev nije ona na koju je izdato prethodno rješenje o vodnoj saglasnosti. Obzirom da je za predmetni kamenolom bila vanredna situacija, nije vršena eksploatacija mineralne sirovine i dr. za pretpostaviti je da je ista u međuvremenu zagubljena.
- Dakle, na terenu su djelimično realizovane aktivnosti na izgradnji obodnih kanala (dva kanala), djelimično su izgrađeni taložnici (tri taložnika), generalno, treći obodni kanal nije izgrađen, a i taložnici i obodni kanali nisu izgrađeni od betona, monitoring okno nije izgrađeno.
- Agencija se aktom broj:UP-1/21-3-40-325-3/23 od 11.09.2023. godine obratila investitoru sa zahtjevom da u skladu sa odredbama Zakona o vodama, Pravilnika o sadržaju, obliku, uslovima, načinu izdavanja i čuvanja vodnih akata, Uredbe o uslovima ispuštanja otpadnih voda u okoliš i sisteme javne kanalizacije i uslova iz Rješenja o vodnoj saglasnosti broj:UP-I/25-2-40—146-3/18 od 03.04.2018. godine, u obavezi da Agenciji dostavite slijedeće:
 - Pismanu izjavu kojom se potvrđuje da li će se na terenu do 01.12.2023. godine izvršiti izgradnja objekata i sadržaja (3 betonska obodna kanala, tri betonska taložnika uključujući i monitoring okno) u skladu sa uslovima iz rješenja o vodnoj saglasnosti broj:UP-I/25-2-40—146-3/18 od 03.04.2018. godine.
 - Obzirom da investitor ne posjeduje projektnu dokumentaciju, tj. da je ista u međuvremenu zagubljena, zatraženo je da se uradi projektna dokumentacija izvedenog stanja- hidro faza, nivoa glavnog projekta, za vanjsko uređenje, prikupljanje, tretman i odvodnju onečišćenih oborinskih voda sa prostora PK „Puhovik“ do definisanog recipienta. Sastavni dio projektne dokumentacije je i pregledna situacija sa ucrtanim objektima i naznačenoj udaljenosti istih od vodotoka. Projektant je u obavezi da sagleda kompletan prostor sa svim saržajima, sa pratećim objektima te prezentira načina tretmana voda te mjesto ispuštanja tretiranih voda. Investiciono-tehnička dokumentacija treba da obradi sva pitanja definisana članom 5. stav (2) Pravilnika o sadržaju, obliku, uslovima, načinu izdavanja i čuvanja vodnih akata koja su bitna za konkretan slučaj. Projektna dokumentacija treba biti urađena od strane pravnih lica koja imaju ovlaštenje (lista „A“) pribavljeno od strane Federalnog ministarstva poljoprivrede, vodoprivrede i šumarstva.
- Krajnji rok za dostavljanje tražene Izjave bio je 21.09.2023. godine.
- Investitor „Amina Trade“ d.o.o. Sarajevo je sačinio Izjavu o izvršenju radova, broj: 202-9-23 od 13.09.2023. godine kojom je potvrdio da će na terenu realizovati se aktivnosti u skladu sa zahtjevima iz Rješenja o vodnoj saglasnosti izdatoj od strane Agencije. Pored navedenog obavijestio je Agenciju da je od strane Zavoda za vodoprivrede d.d. Sarajevo zatražio i dobio kopiju projektne dokumentacije na koju je izdato rješenje o vodnoj saglasnosti, Glavni projekat prikupljanja, tretmana i ispuštanja otpadnih voda sa površinskog kopa kamenoloma „Puhovik“ Rakovica, općina Ilidža, juni 2014. godine.
 - Agencija se aktom broj:UP-1/21-3-40-325-5/23 od 19.09.2023. godine ponovo obratila investitoru i obavijestila ga da je krajnji rok za postupanje na terenu u skladu sa Glavnim projektom prikupljanja, tretmana i ispuštanja otpadnih voda sa površinskog kopa kamenoloma „Puhovik“ Rakovica, općina Ilidža 01.12.2023. godine.
 - Investitor se aktom broj:206-11-23 od 20.11.2023. godine obratio Agenciji sa zahtjevom za prolongiranje roka za realizaciju aktivnosti na terenu koje su uslovljene rješenjem o vodnoj saglasnosti izdatoj od Agencije.

Kako podnosilac zahtjeva nije ispunio uslove koji su određeni vodnom saglasnošću, a koji su bili uslov za izdavanje vodne dozvole u ostavljenom roku, kao ni do dana donošenja ovog Zaključka, na osnovu člana 116. stav 2. i u skladu sa članom 121. stav 3. Zakona o vodama člana člana 67. stav (2) Zakona o upravnom postupku, riješeno kao u dispozitivu ovog zaključka.

Uputa o pravnom lijeku:

Protiv ovog zaključka može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka. Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka:

mr.sc. Selma Merdan, dipl.inž.geol.

- Prilog: Glavni projekat prikupljanja, tretmana i ispuštanja otpadnih voda sa površinskog kopa kamenoloma „Puhovik“ Rakovica, općina Ilidža, juni 2014. godine.

Po ovlaštenju
Rukovodilac Sektora za izdavanje vodnih akata

Haris Ališehović, dipl. ing.građ.

Dostaviti:

- AMINA TRADE d.o.o.
- Rakovička cesta bb, 71217 Rakovica-Ilidža, (sa prilogom),
- AVP Sava, ISV – Vodna knjiga,
- Org.jed. 40 – Arhiva,
- AVP Sava – Oglasna ploča